

AHKOLAH IN UTYAK NUHKE
TEMPUHL MUHTAHL



AHKOLAH IN UTYAK NUHKE
TEMPUHL MUHTAHL

Tempuhl Muhtahl sel
Boyd K. Packer

muhtwacwacackiac: Tempuhl Salt Lake.
fin tohkoh: Tempuhl Laie Hawaii.

©2004 sin Intellectual Reserve, Inc.
Kuh ac suwohs nuhkwewa fihliyucki
Sihmlac fin acn United States of America

Ahkkweyeyucklac ke English: 8/02
Ahkkweyeyucklac ke lweng: 8/02
Lwenglah luhn *Ahkolah in Ilyak nuhke Tempuhl Muhtahl*
Kosraean

SOM NUH IN TEMPUHL

Oasr srihpac puhs ma oruh sie mwet enenuh in luhngse som nuh in tempuhl. Finne lihkihn tempuhl arulacna fahkwack yohk ke muhtahliac. Muhtahliac lihksreni na kahlwem ke lihkihn lohm ah. Nuh ke sruhnguhl in utyak ah ahkahlwemye "Muhtahl nuh sin Leum." Ke kom utyak nuh in sie tempuhl kihsacalah, kom oasr lun lohm sin Leum.

Ke Alu uh kuht muhsahi kain in lohm puhs. In lohm inge kuht alu, kuht luti, kuht konwacack pwacr ac kuhtuh pac sahyac. Kuht kuh in oraclah stek ac ward ac misin ac un mwet ke Rilif Sosaiti in lohm inge kuh finne ke iwen monglac ma oasr molo. Tuhsruhk, ke kuht oracni sucu in oacna ke Leum el ahkahlwemye, kuht oracloseni in tempuhl, sucu siliyucki ke akwuck, pa sie mwe ahkinsewowo luhlauh ma kom kuh in eis in tempuhl muhtahl.

In tempuhl, mempucr ke Alu uh ma moulkihn suwohswohs uh kuh in wi eis akwuck in molwelah fuhlwact ma oreklac nuh sin mwet uh. In tempuhl, ke ohiyac muhtahl, kais sie mwet el ahknwacsnwacsyeyuck ac akmuhsralah in eis kahsruh ac eis mwe sang muhtahl ac siliac tukun kuht eis mwe ahkinsewowo inge nuh sesr sifwacna, kuht kuh in orekma kaclos suc misac tiac eis pacl wowo la oacna kuht. In tempuhl akwuck muhtahl inge orek nuh sin mwet moul ac misac oacna sie. Pa inge acn in pacptais, ma pacptais ke mwet misac ac orek, sin mwet fal ma kuh in ahol mwet ma misac tari.

"Som nuh in tempuhl." Fin tiac ingena, ke pacl sa. Insacnweacng in pruhe, ahkolah moul lom, sefiac ma kom kuh in sefiac in finsrak muh lwen sacn in tuhkuh. Muhtwacwacack mihsenge lac mweyen kuhtuh pacl uh inkacnek luhn auliyak uh upac ac suhpwacr. Tempuhl uh ekuhllah sie mwet in kuhi ke srihke lal nuh kac. Nuh suwos suc muhta lweslac nuh ke tempuhl, tempuhl uh ac sahp sa in tuhkuh sun kom met liki

kom som nuh kac. Sruokyac luhlhlhfongi ac finsrak lom ac luhlhlhfongi lah kom ac sun—tuh kom in suwohswohs ac fal in som nuh in tempuhl.

MA INGE MUHTAHL

Oaru in riti ke ma suhmuhsrah fahkwack lah Leum el tiac fahk ma nuhkwewa nuh sin mwet uh. Oasr kuhtuh ma fal oreklac ma enenweyuck nuh ke eisyen mwe fahkwack muhtahl uh. Ohiyac orek in tempuhl uh oasr ke ip se inge.

Kuht tiac sramsram ke akwuck orek in tempuhl kuh lihkihn tempuhl uh. Tiac na oreklac muh etwacack ke ohiyac ma orek in tempuhl in ma nuh sin kuhtuh na sucu suc kuhtuh sahyac ac fahk muh eltahl tiac na luti kac. Ac tiac pa inge. Ke srihke luhlhlhp kuht kwacfe mwet nuhkwewa in kuh ac in ahkolah nuhke orekma ke tempuhl uh. Elos nuhkwewa ma som tari nuh in tempuhl lutiyuck tari kac: Sie lwen ma moul nuhkwewa ac mwet nuhkwewa ma moul fah oasr pacl wo se la in lohng ke wosasuc ac in insese kuh tiac insese nuh ke ma orek in tempuhl uh. Fin pacl wo se inge sruhngwacyuck, koluk kac an ac fah oasr ke ip luhn mwet sacn sifwacna.

Akwuck ac ohiyac ma orek in tempuhl uh fihsracsr. Eltahl oaskuh. Eltahl muhtahl. Eltahl lukmac in tiac ituckyang nuh sin mwet ma tiac ahkolah in eis. Kenna etuh yohk ke ohiyac inge tiac ahkolah se. Yohk pwacr kac sifwacna uh tiac na ahkolah se. Ahkolah nuh ke akwuck pa: luhlhlhfongi, auliyak, pacptais, ahkkweyelah, suwohs, kapwack ac ahkfuhlwactye sie sucu siliyucki nuh in lohmi sin Leum.

Kuht enenuh in ahkolah met liki kuht som nuh in tempuhl. Kuht enenuh in moul suwohs met liki kuht som nuh in tempuhl. Oasr luhpah fal ac ohiyac akwucki. Ma inge oreklac sin Leum ac tiac sin mwet uh. Ac, Leum el suwohs ac kuh nuhkwewa ma enenweyuck nuh ke tempuhl uh in karihngihnyuckyang in muhtahl ac lukmac.

Elos nuhkwewa suc ma suwohswohs ac fal ke inkacnek nuhkwewa kuh in utyak nuh in tempuhl, in eis ohiyac muhtahl ac akwuck nuh sel.

NWACSNWACS IN ILYAK

Ke pacl se ma kom ac akikhlen yohk srihpac luhn mwe ahkinsewowo ke tempuhl uh ac nuh ke muhtahliacn akwuck ma orek in tempuhl uh, kom ac tuhpwek in siyuck ke srihkasrak fuhlwact ma akiyucki sin Leum nuh ke ilyak nuh in tempul muhtahl uh.

Enenuh na in oasr pwepuh in lwelah sasuc se lom in utyak nuh in tempuhl. Pwepuh in lwelah se inge enenuh in sain sin pisap ke ward ac prestuhn ke stek lom an. Ke acn ma srackna misin, pwacyelah, prestuhn luhn pracns, ac prestuhn ke misin ma kunacltahl in usot pwepuh in lwelah nuh in tempuhl se inge nuh sum. Mwet ma moulkihn suwohs nuhkwewa enenuh in som nuh in tempuhl. Ma kunacl pisap in oruh lohngohk nuh ke suwohs luhn moullasr uh. Lohngohk se inge yohk srihpac nuh sum ke kom sie mwet ke Alu uh, suc pa sie pacl in konwacack sin mwet kuhlacnsap luhn Leum ke ohiyacn moullom, fin oasr ma tiac wo ke moullom, pisap el ac kuh in kahsrekom ahkwoyelah. Ke inkacnek se inge, ke kom ac kahsreyuck sin prestuhn luhn pracns lom an, kom kuh in fahkwack in kuh in kahsreyuck kom in ahkwoye komlac kom in muh kuh in ilyak nuh in tempuhl ke ahkkweyelah luhn Leum.

Prestuhn N. Eldon Tanner, suc kuhlwacnsap lal pa Mwet in Kahsruh Se Met ke Prestuhnsi Se Met, el sramsram ke tuhkweni luhn pristut ke lohngohk. Kahs in kahsruh lal oasr kalmac nuh sin kwewana mwet kol ke Alu ma oruh lohngohk uh ac nuh sin mempucr ma orek lohngohk nuh se uh. Nuhnkuh in wo mwe kahsruh se inge:

Kom, pisap ac prestuhn luhn stek sahpa ac oruh sie lohngohk nuh ke sie pwepuh in lwelah nuh in tempuhl ma oacna ma se inge:

“Kom tuhkuh nuh yuruk nuh ke sie pwepuh in lwelah in ilyak nuh in tempuhl. Ma kunuck in ahol Leum in oruh lohngohk nuh sum. Ke sahflahiyacn lohngohk oasr acn se nga ac sain ke pwepuh lom an; tuhsruhktuh tiac sain luhk uh muhkwenapa yohk srihpac nuh ke pwepuh lom an. Met liki pwepuh in lwelah lom an kuh in wi, kom enenuh in sifwacna sainiyac.

“Ke kom ac sainiyac pwepuh in lwelah lom an, kom oraclah sie olwelah nuh sin Leum lah kom fal in wi eisyan ma wo ma ituck nuh sin mwet ma sruok pwepuh in lwelah se inge. Oasr kuhtuh kihsensiyuck fal nga fah siyuck. . . . Kom enenuh in topuk suwohs nuh ke kais sie. . . .”

Ingena, tukun kom siyuck kihsensiyuck ma enenuh kom in siyuck sin mwet sacn, kom ac sahp ke sang pac kain mwe kahsrüh ohinge: “El suc ac som nuh in lohñ sin Leum enenuh in *nwacsnwacs, muhtahl, ac tiac oruh ohiyac suhfal*. . . .”

Lohngohk lasr uh enenuh in orek ke luhngse ac ke nwacsnwacs. Pacl nuhkwewa, ma uh kuh in ahksuwohsyeyuck fin kom siyuck: “Yac oasr srihpac ma kom oacna tiac puhla wo sahp tiac suwohs nuh sin Leum kac fin kom ac sifwacna saini pwepuh in lwelah nuh tempuhl lom an?”

“Yac kom ac luhngse eis kuhtuh srihsrihk pacl in ahksuwohsyelah kuhtuh keim sifacna met liki kom sainiyac uh? Esam, Leum el etuh ma nuhkwewa ac El tiac mwe ahksruhksruhkiyuck. Kuht srihke in kahsrë kom. Nimet na kikiacp in srihke in eis pahng, sie pwepuh in lwelah, kuh sie ahkinsewowo sin Leum.”

Fin kom sun kain ohiyac ma fwack lucng inge, ma kunacn mwet sacn in lohngohk sel sifwacna. Pisap kuh prestuhn luhn stek oacsr suwohs ac ki lal in sifacna akihlen. El ac etuh lah oasr kuh wacngin ma tiac fal ma enenuh in ahksuwohsyeyuck met liki pwepuh in lwelah ituckyang. (“The Blessing of Church Interviews,” *Ensign* [November 1978]: 42–43.)

Lohngohk nuh ke pwepuh in lwelah nuh tempuhl uh orek in lukmac inmahsrøn pisap se ac mempucr ke Alu uh. Ke lohngohk uh, ac siyuckyuck kihsensiyuck in suk mukwikwi luhn mukul kuh muhtwacn sacn ac lah mempucr sacn nwacsnwacs, ac lah el oaru nuh ke Alu ac nuh sin mwet kol kac an. Mukul sacn kuh muhtwacn sacn enenuh in fahkwack lah el nwacnwacs in nuhñak, liyacacng kahs in lahlmwetmwet, moli sie tahfuh singucul, moul fal nuhke engankihn mwe luti luhn Alu uh, ac tiac kuhpahsr nuh ke kuhtwena ohiyac kuh pahkomuhta kuhtwena kain in ma lain Alu uh. Ahkkahlwemyeyuck nuh sin pisap uh lah lukmac in oruh lohngohk nuh sin mwet uh arulacna yohk srihpac.

Top fal nuh ke kihnsensiyuck luhn pisap uh pa ac pacl nuhkwewa ahkkweyelah suwohs luhn sie mwet in eis pwepuh in lwelah nuh tempuhl lal uh. Fin sie mwet el tiac liyacacng masap kuh oasr sie ma tiac fal ke moul lal ma enenuh in ahkwoyeyuck, el ac enenuh in ahkkahlwemye auliyak pwacye met liki pwepuh in lwelah nuh tempuhl se ituckyang nuh sel.

Tukun pisap se ac oruh lohlnghok ohinge, sie sin mempucr ke prestuhnsi luhn stek ac oruh oacpacna lohlnghok yurin kais sie sesr met liki kuht som nuh in tempuhl. Fin kuht ac som ke pacl se emet, prestuhn luhn stek ac pacl nuhkwewa oruh lohlnghok yurin kais sie.

Pwacye lah ke pacl se kom ac tuhkuh in eis lohlnghok nuh ke pwepuh in lwelah nuh tempuhl kom ac insese nuh ke sulacalah luhn el suc suleyucklac in prestuhn, suc ma kunacl in ahol Leum in sulaclah lah fal kuh tiac fal kom in utyak nuh ke acn muhtahl se inge.

PACL SE EMET AC PACL NUHKWEWA

Fin kom ac som nuh tempuhl ke pacl se emet fal kom in tiac arulacna ahkolah. Kuht ac nuh sahngweng na ke ma kuht tiac etuh. Kuht ac pacl nuhkwewa luhman tuhfal ke ohiyac sasuc uh.

Moul in mislac. Kom ac som nuh in tempuhl. Ac fah oasr mwet kahsre kom ke acn nuhkwewa in tempuhl—ac kolyuck kom arulacna wo in moul mislac.

Ke kuht utyak nuh in tempuhl kuht enenuh in ahkfuhlwactye. Kuhtwena sramsram ma ac orek uh enenuh in orek ke puhsra na muhlahlah. Ke pacl in eis kahrüh uh, pwacyelah, kuht enenuh na pwacye in ahkfuhlwactye ac tiac wohwohn.

Oasr kuhtuh acn ma ingena lwelah nuh ke ahkfuhlwactyeyacn kihnsac. Met liki utyack nuh in kuhtuh tempuhl in muhtwacwack orekma ke akwuck, mempucr inge ac pacl nuhkwewa fahsreni nuh ke loh Alu lom an. Inse inge mempucr uh ac sano mwet nuhkwewa in fahsreni. Pacl nuhkwewa ke moul uh kuht semuhtweng ke sano uh. In pa utyak emet nuh in sie rum ac fwack in sano mwet se suhfal in utyak met liki muhtwacwacack ma ac orek uh ac oruh ahngyahng. In tempuhl tiac oacna. Pacl in sano se inge pa pacl wo in



Rum luhm Celestial, Tempuhl Vernal Utah

sulaclah uh. Fuhkah woiyac in muhta na mihs lac tiac sram-sram nuhnak uh in muh som yohk nuh ke ahkfuhlwact ac nuhnkuh ke nguhn!

Ke kom ac som nuh in tempuhl, esam lah kom mwet suli-yuck se nuh in loh m sin Leum. Pacl se inge pacl in engan, tuh-sruh k pacl in engan ke mihs lac. Kuhtuh pacl uh ke orek macruht in tempuhl uh enenuh na in ahkacsmakihnyeyuck sucu ac mwet kawuck lah aholyacn luhngse lalos, engan lalos, pain lalos nuh sin mempucr ke sucu ma elos tiac liye ke pacl loeloes, enenuh in ituckyang ke puhsra na muhlahlah. Sramsram yohklac ac isracsr luhlahp uh tiac wo nuh in loh m sin Leum uh.

Eis kolyuck sin mwet orekma in tempuhl uh. Oasr sie mwet fah kol kom nuhkwewa we.

LUTI TUHKUH LUCNG ME

Met liki som nuh tempuhl ke pacl se emet, kuh finne tukun pacl puhkantwen, ac kuh in kahsre kom in akihlen lah ma nuhkwewa ma lutiyuck in tempuhl uh lutiyuck ke luhman akucl. Leum, suc Sifac luhn Luti, luti yohk ke orekmakihnyen inkacnek se inge.

Tempuhl uh nien lutlut na yohk se. Loh m in eis etwacack se. In tempuhl puhla wo uh karihngihnyuck we in muh wo nuh ke ma ac lutiyuck ke nguhn uh. Dr. John A. Widtsoe ke U luhn Mwet Tuhma Lutlut Singucul Luo ke el moul ac el prestuhn ke university na ahkihlenyuck se ac mwet lutlut na pwengpweng se fin facluh. Yohk ahkfuhlwact lal ke orekma in tempuhl ac el fahk ke sie pacl:

Akwuck in tempuhl uh kwewa oasr ke plwacn in molwe-lah, oacna ma lutiyuck pacl nuhkwewa sin mwet kol ke Alu uh ac ahkahlwemye ma upac in sramsramkihnyuck. Wacngihn aholyac kuh fihrweyac in fal nuh ke luti in tempuhl nuh ke plwacn in molwelan se inge. Yohkiyac nuhnak ke mwe sang se inge pa sie mwe akuhkuhin luhlahp nuh ke akwuck pwacye in tempuhl uh. Weacng lah, sulpac liye ac ahkuhtweyac ke plwacn luhn Wosasuc se inge oruh alu in tempuhl uh pa sie ohiyac wo emet in ahksasucye esamyen ma nuhkwewa ma oraclah wosasuc uh.

Sie pac ma pwacye ma wacna sikyak nuh sihk pa oacna sie mwe ahkpwacye fokoko se ma tuhkuh ke ma pwacye ke orekma in tempuhl uh. Mwe sang muhtahl ac orekma in tempuhl suc ahkahlwemyeyuck sin Leum nuh sel Mwet pahluh Joseph Smith . . . ahkuhtweyac kahlwem ke ip ahkosr: Akwuck in ahkolah; eisyen kahsrüh ke sramsram ac ohiyac; olwelah; ac, sahflahiyac srihkeyuck ke etwacack. Nga ahlohloh lah Mwet pahluh Joseph el tiac lutlut ac tiac pah in nuhnak uh kuh in sifacna oraclah ma in fas na pwacye. (John A. Widtsoe, "Temple Worship," *The Utah Genealogical and Historical Magazine* 12 [April 1921]: 58.)

In sifwilpac sruhmuhn ke fahk lal Elder Widtsoe:

Kuht muhta in sie facl luhn mwe akucl. Wacngihn ma kuht etuh, sahyacn mwe akucl. Kuht oraclah akucl ke sie ipin pwepuh, na kuht fahk muh oraclah kahs se, suc kalmac pa luhngse, kuh sruhnga, kuh luhngse muhtahl, kuh God kuh wacngihn sahflahiyac. Mahk inge sah ac tiac arlac wo in liye. Wacngihn sie kuh in konwacack ma koluk ke akucl ke sra puk uh mweyen tiac na arlac yohk kahto kac sifwacna oacna ke ma ahol uh. Kuht tiac na kihsensiyuck ke akihlenyacn G-o-d mweyen tiac na arlac wo, tuhsruhkuh akucl uh ahol fuhlwactlacna luhn God. Nga sramsram nuh suwohs ofong; kowos tiac arlac kihsensiyuck ke ohiyacn sramsram luhk uh, kuh kahs nga sulaclah in orekmakihn; in fal nuh ke kalmacn nuhnak suc nga srihke in ahkkahlwemye nuh suwos, kowos muhluhlah tari kahs ac luhmah. . . .

Kuht muhta in sie facl luhn mwe akucl. Wacngihn mukul kuh muhtwacn kuh in tuhkuh ke tempuhl me eis mwe sang luhn nguhn nuh sel sifwacna, nwe kenna el liye in mwe akucl kuh luhn ma pwacye ma tempuhl uh ahkkahlwemye. ("Temple Worship," page 62.)

Fin kom ac som nuh tempuhl esam lah mwe luti we uh mwe akucl suc kom ac tiac kuh in som liki ohiyac pwacye kac ke liye lom ac yohkyohkwaclihk, kom ac puhla kuhtuh kapkapwack, ke kahlwem lom ac yohkwaclihk ke ma luhn nguhn. Mwe luti ke plwacn se inge upaclac woiyac. Ma na orek se, Leum sifwacna, suc Sifwac luhn Luti, ke luti lal sifacna nuh sin mwet tuhma lutlut Lal pacl nuhkwea luti ke puhpuhlyuck, akucl nuh ke kahs ma ac upac in kahlwem. El sramsram ke orekma ma mwet



Act in Pacptais, Tempuhl Washington D.C.

tuhma lutlut Lal moulkihn, ac El sruhmuhn ke won muhtwacn ac won, ros, fak, sahk, mwet pihsrapasr, u suhlallacl, tili luhn faht, mwet kahsrup ac mwet suhkahsrup, mwet ono, puhn nuknuk, fihf mah, insroacl lohm, kihtakat pik, ahknwacsnwacs krein, fihliyac in parns, muhsah lohm, orekmakihn kahsrup ac kuhtuh pac sahyac. El sramsram ke sie fihtac in muhstart, ac ke ful kahto. El luhngse luti mwet ma lohng ke El luti, pwacnwacng El sramsram ke ma srihsrihk ke luhman mwe akucl. Wacngihn sin ma inge luhman lukmac, kuh lohsr, tuh ma inge nuhkwewa mwe akucl.

Tempuhl uh sifwacna eklac mwe akucl se. Fin kom liye sie sin tempuhl ke fong ahkokyak kahlwem, kom etuh lah fuhkah muhtahliac. Lohm sin Leum, afyucflac ke kahlwem, tuyak in lohsr uh, eklac mwe akucl luhn kuh ac kolyuck ke wosacus luhn Jisus Kraist tuyak oacna sie mwe akucl fin sie facl suc tili loal nuh in lohsr luhlahp luhn nguhn.

Ohiyac orek in tempuhl uh ac tiac lihksreni na kahlwem ke pacl se emet kom som uh. Kuhtuh na ip kac ac kahlwem. Pwacnwacng fohlohk na fohlohk. Fohlohklac kom in etwacalah. Ma ma ahkkolukye kom kuh ma ma upac kuh ma ma kom tiac etuh kom ac etwacalah. Puhs sin ma inge ac ma na srihsrik suc kom ac tiac kuh in ahkuhtweyac nuh sin kuhtwena mwet sahyac. Tuhsruhk nuh sum kom etuh.

Ma kuht sruokyac in tempuhl uh wiwi na luhpan ma kuht us som nuh we ke ohiyac puhsisac, ahkfuhlwact ac kenna in luti uh. Fin fihsracsr nuh sesr in luti kuht ac fah lutiyuck sin nguhn, in tempuhl.

Ke oasr pacl wo se lom in wi sie pacl nuh ke eisyacn mwe sang muhtahl in tempuhl kuh in wi lohoh ke sil, nuhnuh kuh ke loaliyacn kalmacn ma kom liye ma orek ye motom. Ac lwen tukun kom muhtwacta nuh we an, esamyac ma ingacn ac nuhnuh kac; kahkhsrihsrihk ac kalweni in pruhe na kom ac konwacack lah kahlwem lom yohkwaclihk.

Sie ma yohk srihpac luhn ohiyac orek in tempuhl uh pa ac oraclah nohfohn na srihpac luhn God nuh fin facl se inge. Ke pacl se kuht ac som liki tempuhl (ac kuht kuh in fohlohk ac ahksasucye ma kuht esam) ke ma luhn moul se inge nohfohn. Kuht kuh in liye lah kuht oasr oyac, ac kuht kuh in sa liye ke pacl kuht tiac fahsr ke inkacnek uh.

Na forlah nuh ke tempuhl. Kol tuhlihk nuhtum nuh ke tempuhl. In pacl in srihk laltahl, oruh eltahl in liye, ac muh-twacwacack in ahko-o nuh ke pacl eltahl ac som nuh ke tempuhl muhtahl.

Ke pacl se inge, sifwacna luti, ac ahkfuhlwactye. Nuhnkuh ahkyohkye ke luti—kenna ac engan ke mwe luti luhn nguhn—oasr in tempuhl muhkwen.

Yohk pacl ac sisilac ke plwaniyacn macruht in tempuhl uh. Arulacna fal in plwacniyuck in wo. Pacl nuhkewewa siyacnyacn ma fuhsr ma aluhngsei uh sulaclah muh eltahl ac macruht ac siyuck nuh ke lain luhn pahpah ac ninac, lah eltahl ac macruht ingena, ke wik se na kuh luo. Siyuck luhn pahpah ac ninac nuh ke kuhtuh pacl in ahkolah uh kuhtuh pacl uh ac luhngasyuck muh sruhngwacyuck eltahl in macruht. Eltahl sensen muh sano kuhtuh oasr ma ac sikyak in ahkolukye plwacn in macruht laltahl uh. Kutuh pahyuck fuhsr uh ahkkahlwemye kac-lahl sifwacna muh eltahl srackna fuhsr ac tiac kuhlwacng ke pacl eltah ac siyuck nuh ke pacl se ma ac oraclah kwacoh luhlahp muhkwen ac pacl nuhkewewa sikyak ke ma ma ac wacngihn esamyac tiac oacna inkacnek se sahyac an.

Fin arulacna suhlahklahk kuh salkweyuck, oasr ma se ac wacngihn ke muhtwacta se met nuh in tempuhl, kuh ke lwen in macruht in tempuhl. Pacl se emet in tempuhl inge, kuh sil ke lwen in macruht uh pa sie ma orek ke pacl se ke moul na fohn se. Fal in ahkoeyucklac. Arulacna yohk srihpac pwacnwacng kuht tiac enenuh in lwelah ma srihsrihk ke ahko-o, orekma srihsrihk luhn lohm, in wacngihn liki. Ke srihpac se ingacn, ma nuhkewewa enenuh in ahkolah met. Ac kuh in mwe ahngyahng yohk se nuh ke ma enenweyuck in ahkolah ma tiac ahkolah nuh ke lwen sacn.

Fin kom sa som nuh ke sie tuhkweni in sie lohm in toeni ac muhta liye mwet uh ke tuhkuh, kom ac liye lah eltahl us sie ma weluhlahl. Fucsrucsrjak luhn nguhn fuhsrakwack in rum sacn ac rum sacn eklac tilac rum oalal se nuh ke sie alu, ac mukul ac muhtwacn suc tuhkuh kac ke ohyiac luhn nguhn.

Inge, in lwen in kahfofo lasr uh kuht tiac kuh in pacl nuhkewewa oruh ma inge ke kuht ac som nuh ke tuhkweni se uh. Ma nuhkewewa kuht eis ke tuhkuh nuh ke tuhkweni uh arlac yohk srihpac nuh ke som lasr nuh in tempuhl uh. Ma se inge

yohk na nuh ke pacl se emet kuht ac som uh. Kuht enenuh in sa na som nuh we.

Kom kuh in liye, lah mwet ma sa uh tiac ma nuh ke kosrac-lah muhkwenā, a ma nuh ke ahkpwacyei lah pwepuh in lwelah ac kuhtuh ma sahyac ahkolah tari ac kuht kuh in sifwacna ikihl puhla lasr nuh ke puhla sasuc. Arlac yohk liki pacna ingacn. Ma kuht in sa sun an na pwacye pa ke pacl fal in muhta mihslac nuh ke puhla pwacye luhn nguhn—in ahkwe-kuhtlac sifwacna nuhke ma ac orek uh.

Kuht sramsram ke mwet ma wi oruh ohiyac in tempuhl uh, tuhsruhk oasr kuhtuh pacl ma macruht in tempuhl uh plwac-niyuck ac kuhtuh mwet ke sucu uh tiac fal in eis pwepuh in lwelah nuh tempuhl. Ac kuh in mukul kuh muhtwacn sacn mwet eklac nuh ke Alu uh se ac pahpah kuh ninac kiyac soena welah Alu uh; kuh, eltahl arlac sasuc lac nuh ke Alu uh in kuh in eis pwepuh in lwelah nuh tempuhl. Kuh in pa pahpah ac ninac eltahl wi Alu uh tuhsruhk sie seltahl tiacna moulkihn srihkasrak luhn wosasuc in fal in eis sie pwepuh in lwelah nuh tempuhl. Srihkasrak se inge oacna in mwe elyah yohk se nuh ke pacl luhn macruht in tempuhl. Pa inge pacl ma sucu uh enenuh in arulacna fototo uh, ke pacl ma enenuh eltahl in tuhkweni nuh sie in akacsruhi ke pacl muhtahl se inge. Sruhuh luhn sie pwepuh in lwelah nuh tempuhl nuh sin sie mwet ma tiac fal, kuh tiac kuh in sulī sie kawuck tiac mempucr kuh sucu in mwet lohoh nuh ke sil sacn, ac kuh in sana sang elyah. Ma inge ac kuh in oruh suhpwacr ac tiac nuhna se ke pacl se na ma oasr enenuh yohk nuh ke ma in ahkmihsyeyuck, in eis engan luhlahp uh.

Meac kuht ac oruh ke kain ohiyac inge? Ma kuht ac tiac enenuh in oruh uh pa tiac nuhnuhkuh pisap uh. Pisap uh, ke ma akwuck uh el pa oreklac in mwe nuhnuhkuh luhn Israel, tiac kuh in suwohs in sang sie pwepuh in lwelah nuh sin mwet ma tiac fal. Ma inge fin orek ac kuh in mwe ahksuhpwacr luhlahp nuh sin kais sie mwet ma ac wi uh. Ac tiac pac wo nuh sin pisap sacn sifwacna.

Ke sie macruht in tempuhl ac ahkoekyuck na sie sin pahpah ac ninac kuh sie sucu na fototo an tiac kuh in utyak nuh in tempuhl, plwacn na wowo enenuh in orek nuh ke sie pacl wo liki na in oasr elyah. Nuhnkuh mwe nguhsr se inge. Sulī pahpah se ac ninac se ma tiac wi Alu uh kuh mempucr se ma tiac

kuh in eis pwepuh in lwelah nuh tempuhl lal, in tuhkuh nuh ke tempuhl nuh ke parti in macruht an. Oasr na nguhn se ac ma se ke lihkihnihm in tempuhl uh ma tiac kuh in konweyuckyak ke kuhtwarna acn sahyac. Kuhtuh tempuhl uh oasr acn luhn mwet muhtwacta kac. Lihkihnihm in tempuhl uh ke kain ohiyac nuhkwewa karihngihnyuckyang arulacna kahto. Pacl nuhkwewa acn mihs lac ac muhtahl se.

Sackuhnlah in oasr sie mwet muhta sano se ke sucu sacn. Pwacye lah kom ac tiac kuh in sislah mwet sacn in muhkwena. Oasr na pacl ma mwet in sucu ma ac kuh in utyak nuh tempuhl in mwet lohoh ke macruht uh ac falkihn liki na eltahl in sislah pacl likihnim in tempuhl yurin mwet ma tiac kuh in utyak nuh ke macruht an. Inge ke acn raunweack tempuhl eltahl ac kuh in ahkuhtweyac kenna luhn siyacnyacn fuhsr sacn in sil in loh m sin Leum.

Kuh in oasr kuh luhlahp orekmakihnyuck ke pacl se inge, ma ac tiac kuh ke kuhtuh pacl. Oacna, ke kuhtuh muhtwacta luhlahp ma orek in tempuhl. Plwacn met liki pacl uh ac kuh in kahsr uh kuhtuh enenuh in fal nuh ke enenuh luhn mwet ke sucu na fototo ma ke kuhtuh srihpac tiac kuh in utyak nuh in tempuhl. Suhpwacrlac kuh finne pahkomuhta, kuhtuh pacl uh mwen, ke ip luhn pahpah ac ninac ma tiac wi Alu uh kuh pahpah ac ninac ma wi Alu ma tiac kuh in eis pwepuh in lwelah la ac kuh in lihksrweni fihsracsrlah ke inkacnek se inge.

Ke kuhtuh tempuhl uh oasr sie infuckihl ma sriyucklac nuh sin pahpah ac ninac ma tiac kuh in ilyak nuh in tempuhl in ohsun nuh sin sie mwet fal in kuh in topuk kihsensiyuck laltahl.

Siyacnyacn fuhsr sac enenuh in kahlwem kac lah pahpah ac ninac enenuh na in siliyac lwen in macruht ke moul luhn mukul kiyac ac muhtwacn kiyac. Lungse laltahl pa in wi macruht ah, ac puhsracltahl fin eltahl tiac kuh in oraclah, ma se inge pa sie sain in kuhpahsr.

Oasr kuhtuh pac inkacnek sahyac in suc ninac pahpah ma tiac kuh in oraclah ah toasrlah ac tiac kuh in ahkwoyeyucklac. Ke inkacnek ohinge, mwet fuhsr an enenuh in kampare oruh in wo. Kihsensiyuck ac fah siyuck: Ohinge, na, yac eneu h kuht in macruhtlac na eltahl in muh kuh in mwet lohoh kac, na kuht ac sano nuh ke yac enenuh met liki utyak nuh in tempuhl? Tuhsruh k ac tiac pa ingacn ma wo ac sikyak kac uh. Pruhe ac



Rum ke oreklac Iuhm factulu, Tempuhl Salt Lake

plwacn wowo ke inkaiyacn ohiyac ohinge kuh in oruh elyah uh in sifwacna furohklah nuh ke sie pacl wo ma ac oracni sucu uh in fototo liki na pacl met ah.

U in kawuck luhlahp, mwet ke ward, ac mwet sahyac tiac enenuh in suliuyuck in mwet lohoh ke macruht uh. Mwet ma wi macruht uh enenuh in suhpuhs, mwet na ke sucu luu muhkwenena ac kuhtuh kawuck fototo nuh sin siyacnyacn sacn. Ke pacl ohinge macruht uh ac fwack ke ward sacn wi solsol nuh sin mwet nuhkewena in srihke in wi elos in sang kahsrub ac ahkkweye nuh sin siyacnyacn sacn. Pa ingacn srihpac luhn risacpsin uh. Risacpsin in macruht uh pa in oraclah pacl in paing mwet kawuck ac mwet ma wi tuhkweni. Macruht in tempuhl sifacna enenuh in muhtahl ac kahsreyuck sin mwet ma fototo nuh sin siyacnyacn sacn muhkwenena.

Kuht tiac fahk kahs ke akwuck nuh ke sil uh lihkihn tempuhl, tuhsruhkuht kuh in ahkuhtweyacyac rum in sil ac ke kahtohiyacyac ac woiyacyac, mihs ac kahlwem ke nguahn, ac muhtahl ke orekma muhtahl ma orek we.

Met liki siyacnyacn sacn ac tuhkuh nuh ke mwe loacng nuh ke akwuck nuh ke sil an, ac pacl wo se luhn mwet se ma ac sang an, ac nuh sin siyacnyacn fuhsr sacn in eis kuhtuh kahsrub. Pa inge kuhtuh sin mwe nuhnak ma siyacnyacn sacn ac lohng ke tuhkweni an.

“Mihsenge pa lwen in macruht lom. Kom fohsack ke nuhnkweyacyacn macruht lom. Tempuhl muhsahiyuck in muhtahl nuh ke kain akwuck inge. Kuht tiac muhta fin facluh. Ma luhn facluh tiac ma nuh inse ac wacngihn ma ac oruh nuh ke ma kuht oruh inge uh. Kuht tuhkuh liki facluh nuh in tempuhl luhn Leum. Lwen se inge pa ac lwen luhlahp se nuh ke moul lom uh.

“Kom isuslac, tuhkuh nuh inse inge sin pahpah ac ninac suc ahko-o mahno nuh ke nguahn lom in muhta kac. Kais sie suwos pacptaislac, pa sie akwuck muhtahl, akucl se luhn ahknwacsnwacs, akucl nuh ke misac ac moulyak, akucl nuh ke tuhkuh luhn moul sasuc. Ma inge pa auliyak ac elah ma koluk. Kuhfwa luhn Leum uh pa ahksasucyeyacyacn olwelah ke pacptais, ac kuht kuh, fin kuht moulkihn, eis elah ke ma koluk lasr.

“Kom, mukul an, ahkkweyeyucklac nuh ke pristut. Pacl se met utuckoht nuh sum Aaronic Pristut ac fin kuh kihluck ke ohfuhs kac an—tikin, titsucr, ac prist. Na tok fin kom srackna

suwohs kom ac eis Melchizedek Pristut. Pristut se ingacn, suc pa yohk uh, el tuhkuh ke ohiyac muhtahl luhn God, kuh Pristut Muhtahl suc tuhkuh ke Ohiyac muhtahl luhn Wen Nuhtin God. (Liye Alma 13:18 ac Helaman 8:18.) Utuckoht nuh sum sie ohfuhs ke pristut. Inge kom sie elder.

“Kais sie suwos eis mwe sang muhtahl lowos. Ke mwe sang muhtahl se ingacn kom eis ma yohk nuh ke moul ma pahtpaht. Tuhsruhk ma nuhkwea inge, ahkfuhlwactye ahkollah lom nuh ke tuhkuh lom nuh ke mwe loang in sil nuh sin mukul tuhuma ac muhtwacn kiyac nuh ke moul pahtpaht. Komtacl ingena eklac sie sucu, sukohsohk in oruh luhmahlah luhn sucu, in oasr pacl wo nuh ke insacnweacng ac kihsac-kuhnlah in use tuhlihk nuh fin facluh ac in tuhfahlah ac liyacl-tahlwacng ke moul in srihke lalos; in liye elos tuhkuh sie lwen, oacna ke kom tuhkuh, in wi akwuck muhtahl in tempuhl.


“Kom engan in tuhkuh ac orek ke suwohswohs lom. Tuhkweni se inge kuh in siliyucki sin Nguhn Muhtahl luhn Olwelah.”

Leum el fahk lah el ac fah suhpwacma sie pac Mwet in Ahkwo nuh sesr, kawuck lal, in muh kuh in muhta insiacsr. Mwet in Ahkwo se inge pa Nguhn Muhtahl luhn Olwelah, Mwet in Ahkwo se sahyac ma El olwelah nuh sin Mwet Tuhma Lutlut Lal, suc sihmlac ke puk lal Jon.

Mwet Ahkwo se inge pa Olwelah suc Leum el use nuh sesr ke moul ma pahtpaht lasr uh, finne ke wolacna luhn tohkohsrahi inkuhsrao (D&C 88:3–4).

“In insese nuh sin sie sin sie ke olwelah ke macruht uh pa sie kuhnohkohn yohk nuh sin sucu ahkos uh wacngihn srihkaskrak ke mwe ahkinsewowo kac.”

Muhtwacn se ac mukul se ac arlac mihsalac oacna in nuhnaq ke macruht uh oruh sahp eltahl tiac kuh in lohng wo—eltahl ac sahp tiac arlac lohng kaks nuh ke akwuck ke sil an. Finne kuht tiac kalweni kaks inge lihkihn tempuhl, kuht ac kuh in fohlohk ke kuhtuh pacl in wi mwet lohoh ke macruht. Pa inge Leum kuhlwacng suc lwelah nuh sesr in oruh ma inge. Ke tuhkweni inge, ke pacl kuht tiac oruh uh, kuh in lohng in wo kaks fwack ke akwuck sacn. Oacna, fohlohk ke kuhtuh pacl in orekma ke mwet suc misac tari kuh in ahksasucye nuhnaq ac nguhn ke ohiyac luhn mwe sang muhtahl uh.



Ma ke Rum in Imac, Tempuhl Los Angeles California

Kom fin tuhfhahna macruhtlac ke sie macruht ma orek ke masap, kom ac sahp finsrakihn in sil nuh tok ma pahtpaht, ac fin oasr tuhlihk nuhtum, oruh eltahl in sil nuh sum ke sie kuhpahsr luhn sucu ma pahtpaht. Fin kom oraclah fal nuhke ma se inge ac tuhfwah pacl wo lom in eis mwe ahkkinsewowo se inge.

NOKOMWACNG NUKNUK FASRFASR

Ke pacl kuht oruh orekma ke akwuck in tempuhl uh kuht nukum nuknuk fasrfasar. Nuknuk se inge el akucl se nuh ke muhtahl, suwohs ac nwacsnwacs.

Ke utyak nuh in tempuhl kom ahollah nuknuk ma kom nukum ke pacl nuhkwewa nuh ke nuknuk fasrfasar luhn tempuhl. Ayaol luhn nuknuk se inge orek in kais sie lakucrum, ma oreklac nuh sin kais sie, sie infuckihl srihsrihk suc ma na nuh sin mwet se fanna. In tempuhl uh nwacsnwacs el arulacna lihksreni karihngihnyuck. Ke kom ac fihliyac nuknuk lom in rum srihsrihk ingacn kom fihliyac elyac, ma kom nuhkuh ac ma ahkkolukye kom kac. Kom tufoklac liki kais sie rum in ayaol srihsrihk inge ke fasrfasar kom ac puhla sie ac ma se fanna, luhn mwet nuhkwewa siskom lah eltahl nuknuk oacna kom.

Fin kom som nuh tempuhl ke pacl se emet, suk kahsrüh yurin pisap lom. Ke el ac usot nuh sum sie pwepuh in lwelah nuh tempuhl el ac ahkuhtweyac nuh sum ke kain nuknuk ma ac enenuh nuh in tempuhl. In eis nuknuk inge tiac mwe elyah se nuh sum. Kom ac moli ke acn in Kihtaclah luhn Alu kuh, kuhtuh ohiyac, kom kuh in renti ke tempuhl. Ke ohiyac se sahyac an oasr luhpah na srihsrihk se in moli muhkwena ahknwacsnwacs luhn nuknuk ingacn.

Oacna ke ohiyac ac akwuck luhn tempuhl, likin tempuhl kuht fahk ma na suhpuhs ke nuknuk nukumyuck loac. Kuht kuh in fahk muh, oacna ohiyac se inge, yohk kalmeyacn akucl kac.

Akucl in ahkfuhlwact ac suhnakihn nuh sin mwet ke Alu uh ma muhtwacta nuh in tempuhl uh ac nuknukyang ac nahweyucklac ke kain ohiyac ma el ac puhla wo kac ye muhtuhn Leum. Fin sie pacl ma ac suliyuck kom in mwet muhtwacta se nuh in lohmu sin sie mwet akihlenyuck ac

ahkfuhlwactyeyuck na pwacye, ahkacsmakihnyeyuck kom lah kom ac inmahsrton mwet akihlenyuck suc ac suliyuck oacpacna kom. Solsol se ingacn ahkkahlwemye lah mwet se ma sulikom an el nuhnkwekom arlac yohk pac. Kom akihlen lah puhkantwen mwet sahyac ac nuhnkuh arlac yohk pac ke kain solsol se ingacn, tuhsruhk ke sie kuh luo srihpac eltahl tiac oacna sie in suliyuck ac ke srihpac sacn eltahl tiac kuh in wi. Ke kain ohiyac puhs ingacn oasr ahlohloh muh nga tiac luhlalhfongi muh kom ac sun acn inge nukum nuknuk mah kuh nukum nuknuk in sritacl. Nga tiac luhlalhfongi muh mukul uh ac som tiac resaclah kuh muhtwacn insifacal murwacngwack na.

Mwet fuhlwact ac suwohswohs uh, ke suliyuck nuh ke tuhkweni luhlalhp uh, pacl nuhkwewa eltahl ac nunkuh lah nuknuk fuhkah ac fal nuh ke tuhkweni sacn. Yac kom ac ahkolah in wi nuh ke kain tuhkweni ohingacn? Kom ac sahp moul nuknuk sasuc in finsrakkihn muh lomom in tiac ahk-srihkye yohk srihpac luhn tuhkweni sacn.

Karuhnganwacng uh ac oacyacpac kahlwem ke oruh ac nwacsnwacs luhn nuknuk lom uh. Kom ac tiac puhla wo fin kom tiac nukum nuknuk fal.

Pacl wo in muhtwacta nuh tempuhl uh ac kuh in kapsreyuck nuh ke kain solsol ohingacn.

Oasr ohiyac se fanna ma mempucr ke Alu uh suliyuck nuh in tempuhl in nuknuk laltahl sifacna ke pacl nuhkwewa, ac pacl se ingacn pa pacl se ma elos mwet lohoh nuh ke macruht in tempuhl uh. Ke ohiyac se ingacn fahluhk laltahl muhkwenan itucklac, ac ituckyang sie fahluhk fasrfasr. Kuhtuh yac somlah lwelah nuh sin Mwet in nukum nuknuk na laltahl in mwet lohoh ke sie macruht in tempuhl, ke srihpen sucu ac kawuck ma tiac kuh in som nuh ke sesin mwe sang muhtahl itucyacng met liki macruht an.

Mukul tuhma ac muhtwan kiak ilyak nuh in tempuhl in macruht nuhke pacl ac nuh tok ma pahtpaht. Mukul tuhma nuknukyng ke nuknuk fohn loeloes paho, nuknuk ma wo luhmah ac fal, ac ma ma tiac kuh in sa muhsahlah. Muhtwacn kiak oacyacpac nokomwacng nunuk fasrfasr. Mwet suc ma tuhkuh in wi mwet lohoh macruht ke tempuhl uh tiac enenuh in nukum nuknuk ma tiac fal.

Kuht elyah ac kuhtuh srihsrihk ahsor, ke pacl in som nuh tempuhl, ac konwacack lah kuhtuh mwet uh tuhkuh in mwet lohoh ke macruht kuh tuhkuh in wi tuhkwani in tempuhl nuk-nuk oacna in eltahl ac som piknik kuh nuh ke sritacl se.

Pacl wo in utyak nuh tempuhl ac oruh lasr uh enenuh in wo liki ingacn. Mwe engan se nuh ye muhtuhn Leum ke kuht ahknwacsnwacsyelah mahno lasr ac nokomwacng nuknuk nwasnwacs finne nuknuk an srihk molo. Kuht enenuh in nuk-nuk ohinge kuht in muh puhla wo ke kuht wi kuhfa luhn Leum kuh tuhkwani ma yohk srihpac uh.

Ke tuhkwani ohinge oasr sie mwet tuhkuh in mwet lohoh ke sie macruht suc kahlwem lah srihklac lohacng lal nuh ke kahs in kahsruh ma ituckyang nuh sin mwet mukul ke nuknuk ac nahweyuck ma taranyuck in tiac fahsr ke ohiyac luhn facluh ma tiac nwacsnwacs kuh ac tiac fal ke nuknuk, ke aunsifac loeloes ac kuhtuh pac ma sahyac. Kuht nuhkuh lah efuh fin kain mwet se suc mahtuh fal in utyak nuh in tempuhl efuh el tiac kuh in sifwacna nuhkuh lah Leum El tiac engan sin mwet ma kahlwem muh luhngse fahsr tukun ma luhn facluh uh.

Fuhkah sie mempucr ma lwelah in utyak nuh in tempuhl uh kuh in nukum ma tiac nwacsnwacs kuh tiac fal? Fuhkah tuh sie mwet orekmakihn stael se ke aunsifac ma loeloes tiac nwacsnwacs ac ahkfuhlwact uh?

Fin oasr pacl lom in som nuh tempuhl in wi nuh ke ma orek in tempuhl kuh in mwet lohoh ke sil, esam lah kom oasr oyac. Kom sie mwet muhtwacta nuh in lohmi sin Leum. Kom kuh in nahwekomlac sifwacna ac nuknukyang ke ohiyac ma kom ac puhla wo kac pacl se ke Mwet Suli kom an tuhkuh uh.

Elos nuhkwewa suc sruok ac akacsruhi mwe ahkinsewowo luhn pristut enenuh eltahl in afihnyac mahno laltahl oacna ke ahkahlwemyeyuck nuh sel Mwet pahluh Joseph Smith ke pacl se el eis mwe sang muhtahl se inge ah.

Mempucr ke Alu ma eis akwuck in tempuhl la tokoh nukum karmacn kuh nuknuk loac se. Karmacn se inge tohu-yak sin Alu uh—ac oasr nuh sin mwet nuhkwewa fin facluh ma wi Alu uh, suc kihatkat ke prokracm ke Alu uh.

Karmacn se inge el ahol olwelah muhtahl. El ahkkweye nwcacnwcacs ac el mwe loang ac kosraclah nuh sin mwet ma nukum uh.

Nokomacng karmacn se inge el tiac kosraclah sie mwet in nukum oacna sie nuknuk ma el luhngse nukum fin facluh. Nuknuk ma tiac fal muhkwenah kuh ma arlac upaclac stael kac pa lain nukumyacn karmacn uh. Kuhtwena mempucr ke Alu uh oacna sie mukul kuh muhtwacn ma som tari nuh tempuhl kuh soenna uh, ke nguhn wo el ac ke kahingkihn nuknuk ohinge.

Sahp oasr pacl mempucr ke Alu uh ma eis tari mwe sang muhtahl se inge ac kihsensiyuck ke karmacn se inge.

Ke sie tuhkweni ac oasr sie mukul siyuck sel in sramsram nuh sin mwet kol ac tuhtahf luhn Navy ke Chaplains Training School in Newport, Rhode Island. Mwet ma wi inge oasr kuh-tuh mwet luhlahp luhn Navy ke Catholic, Protestant, ac mwet ke luhlhlfongi luhn mwet Ju.

Ke pacl in kihsensiyuck ac top oasr sie mukul el siyuck, "Kom kuh in sruhmuhn nuh sesr ke kain nuknuk loac se ma kuhtuh mwet Mormon ma wi solse inge nukum uh?" Pwacyeyiac uh pa, "Efuh kom oruh ma sacn? Yac tiac usrguck? Yac ac tiac oraclah elyah?"

Nuh sin mwet se ma kihsensiyuck ah el topuk ke kihsensiyuck se: "Piyac kac Alu kom wi uh?" in topuk el fahk sie alu ke Protestant.

El fahk, "Ke mouh luhn inkaiyacn mwet uh ac oacyacpac ke kol tuhkweni ke solse ah kom nukum nuknuk luhn mwet kol ke Alu, yac kom tiac?" Mwet kol ke Alu sac fahk ahok el oruh.

El tahfwelah: "Nga ac finsrakihn muh ma ingacn in oasr kuhtuh srihpac nuh suwos lah ke kuhtuh inkacnek ac srikom-lac liki inkaiyacn alu lom an. Pa inge mwe ahkkweye kom ke mwe fahk luhn luti uh. Oacyacpac, nga ac finsrakihn muh in mwe oraclah kahlwem yohk nuh sum. Mwe ahkacsmakihnye kom lah suc kom an ac meac kom oruh ac meac olwelah lom. Mwe ahkacsmakihnye kom pacl nuhkweya se lah kom sie mwet ke Alu uh, lah kom nuhkuh keim sifacna muh kom mwet kuhlwcacn sap se luhn Leum, ac lah ma kunom in mouh ke sie kain ma kom in suwohs ke akwuck nuh sum an."



Rum luhn Terrestrial, Tempuhl Salt Lake

Na el fahk nuh selos: “Kowos enenuh na in kahlwem kac fin kuh sie srihpac lasr Mwet Luhlahlfingi Lal ke Lwen-sahflah uh moulkihn nguhnin orekma luhn karmacn se inge. Tiac oacna sie alu lom ac alu lasr uh wacngihn mwet luti sahslah lasr oacna kowos. Alu nuhkwewa kolyuck sin mwet ke acn sacn. Oasr kuhtuh mukul ma oruh kain orekma nuhkwewa. Ac inge elos akmuhsralah nuh ke pristut. Elos sruok ohfuhs ke pristut. Elos srisrilac in kol kais sie acn oacna prestuhn, mwet kahsrüh, ac mwet in kol ke kais sie in alu. Muhtwacn pac, elos akacsruhi ke orekma ohingacn. Mukul ma kol Alu lasr ke Sacnri uh oacna pisap ac som orekma ke Monday oacna sie mwet sihm ke post, oacna sie mwet kahsrüh in ohfuhs, mwet immac, mwet orek ono, kuh el ac sahþ mwet utuck oaksohk se kuh mwet kol se ke navy. Ke akwuck lasr uh el oacpacna mwet luti se oacna kom ke akwuck lom an. El akihlenyuck ohingacn sin mwet luhn kafucrmacn. Kuht eis sie ma wo ke pac nuknuk se inge oacna ke kom ac eis pac ke nuknuk lom. Ma se ma tiac oacna sie uh pa kuht nukum ma lasr uh lun nuknuk lasr ac tiac luhkuh uh, tuh kuht orekma ke kain in orekma weacng orekma lasr ke Alu uh. Ma muhtahl inge kuht tiac ke in liyeyuck ye muhtuhn facluh.”

Na el ahkuhtweyac lah oasr kuhtuh kalmac na muhtahl ac loal pac kac, na oracni orekmakihnyen karmacn se inge nuh ke olwelah ma orek in tempuhl nuh kac. Kuht ac tiac liye muh enenuh in sramsram ke ma inge—tiac ke srihpen lukmac, tuh-sruhke ke srihpen muhtahl.

Karmacn se inge, afihnyac mahno uh, ac pa mwe loeyuck ke mahno ma in ahkacsmakihnye ke olwelah inge. Nuh sin mempucr puhkantwen ke Alu uh karmacn se inge oraclah sie lihsrlihsr in kosraclah mwet se ma nukum an pacl se el ac sun mwe sruf uh. Inmahsrlon kuhtuh ma sahyac el akucl se nuh ke ahkfuhlwact yohk lasr ke masap luhn God uh—inmahsrlon ma inge srihkasrak nwacsnwacs.

KUH IN SIL

Fin kuht luhngse kahlwem ke kwewana ma mahtuh ac mwe luti ke orekma in tempuhl uh kuht enenuh in kahlwem kac lah meac se kuh in sil uh. Kuht enenuh in liye nuh ke luhpah se, lah efuh ki luhn lwelah in orekma ke kuh in sil uh upac.

Apkuhran in yac yucfoko met luhkwel Kraist, mwet pahluh Elijah el sikyak in lohm sin tohkohsrah luhn Israel. El us sie wal muhtahl weluhl: kuh in sil.

Elijah el oraclah orekma in luti lal, ahkweye ac akmuhsraelah Elisha elacn aholuhl, ma inge yohk srihpac—el tiac misac. Oacna ke Moses el met luhkwel, el puhtwe mahnoyak.

Tohkoh, innel sikyak pacl se fanna ke Wuhlweang Mahtuh, apkuhran nuhke fuhs sahflah se ke sapta sahflah se ke Wuhleacng Mahtuh. Oasr inse palye lal Malachi lah Elijah el fah fohlohk in “furohklah insiacn pahpah nuh sin tuhlihk, ac insiacn tuhlihhk nuhsin pahpah tuhmwaclos,” fin tiac facluh na fohn se inge uniyucki ke sie mwe selngawi. (liye Malachi 4:5–6.)

Ke Jisus el tuhkuh nuh weacn Caesarea Philip, el siyuck sin mwet fahsr tohkohl ah, fahk; Suc kowos nuhnkuh muh pa Nga Wen nuhtin mwet uh?

Ac eltahl fahk, Kuhtuh fahk muh kom pa John Pacptais kuhtuh, Elias: ac kuhtuh pac, Jeremias, kuh sie sin mwet pahluh.

El fahk nuh selos, Tuhsruhk suc kowos nuhnkuh muh pa Nga uh?

Ac Simon Peter el topuk ac fahk, Kom Kraist, Wen nuhtin God mouh.

A Jisus el topuk ac fahk nuh sel, Insewowo nuh sum Simon Barjona: tuh ikwac ac srah tiac ahkkahlwemye nuh sum, tuh Pahpah tuhmuhk inkasrao.

Ac Nga oacyacpac fahk nuh sum, kom Peter, fin yot kuh se inge nga fah muhsahi Alu luhk; ac muhtuhnpot luhn ma koluk fah tiac kuhtanglah.

Ac nga fah usot nuh sum ki luhn tohkohsrai inkuhsrao; ac ma kom kapriyac fin facluh fah kapihri inkuhsrao: ac ma kom fah tuhlahlah fin facluh tuhlweyucklac inkuhsrao. (Mattu 16:13–19.)

Ke Piter, James, ac John elos wi Leum som nuh Finohl in Ikihyucklac. Oasr mwet luo wi Leum ke el eklac ah. Eltahl aki-len muh eltahl pa Moses ac Elijah, suc tuhkuh in sang nuh sel Piter, James, ac John kuh in sil. (Liye Mattu 17:1–8; Akihlenlah



Rum luhm Celestial, Tempuhl Columbia River Washington

Elias pa lweng Greek nuh ke inne Hibru ke Elijah ac weacng orekmakihn ke Wuhlweacng Sasuc in sang ahkkahlwemye Elijah, mwet pahluh se ke Olweacng Mahtuh.)

Piter pa sruok ki uh. Piter pa sruok ki in sil uh, wal se ma ahkfahsrye kuh in kapriac fin facluh ac tuhlahlah fin facluh fah oacpacna inkuhsrao.

Ke A.D. yac 34, tukun misac Lal, Leum el som ac lutlut yurin mwet Nephi. El sramsram nuh seltahl ke karihngihnyen ma sihmlac—suc ma inge yohk srihpac nuh ke ma mahtuh ke ma suhmuhslah oacna ke sapta luo ke Malachi (suc palye muh Elijah el ac fohlohk), oruh eltahl enenuh in suhmuhslah ma inge, na fahkwack nuh selos.

Ke pacl se ma Lupufacn Moroni el sikyng nuh sel Mwet pahluh Joseph Smith ah in fahk nuh sel ke plwet ah el kalweniac pahluh lal Malachi ke fohlohk lal Elijah. Fahk se inge pa ingena sacksin ahk luo ke puk luhn Doctrine and Covenants.

Yac singucul tolu tukun sikme lal Moroni, oasr sie tempuhl muhsahiyuckyak in fal nuh ke srihpac sacn ac Leum el sifwil sikme weluhlwacng Elijah ac sang ki luhn kuh in sil.

Ki inge ma luhn prestuhn ke Alu uh—nuh sin mwet pahluh, mwet liactwen, mwet eis fwackyuck. Kuh in sil muhtahl se inge oasr ke alu uh ingena. Wacngihn ma sacohkihnyuck yohk wi muhtahliac sin elos suc ma etuh yohk srihpaciacn wal se inge. Wacngihn sie ma arulacna sensenkihnyuck. Oasr kais kuhtuh mukul pa sruok ki in sil fin facluh ke kais kuh-tuh pacl fal—ke kais sie tempuhl ituckyang kuh se inge nuh sin kais kuhtuh mukul wacngihn mwet kuh in eis fin tiac ituckyang sin mwet pahluh, mwet liactwen, ac mwet eis fwackyuck sin God ac Prestuhn ke Alu luhn Jisus Kraist luhn Mwet Luhlalhfongi Lal ke Lwen-sahflah kuh selos suc ma el sulaclah in kuh in tahfwelah nuh sin mwet sahyac.

“KUHT LIYE LEUM. . . .”

Lwen se ma Elijah el fohlohkoh ah pa infulwacnlwen in Sacnri, April 3, 1836. Toeni luhn sackracmacn orek ke Kirtland Tempuhl. Mwet pahluh ahkkuhtweyac ke infulwacnlwen sac ke kabs na fihsracsr in kahlwem:

Ke infulwacnlwen sac, Nga kahrüh prestuhn sahyac ah in kihtaclihk kuhfa luhn Leum nuh sin Alu uh, eis sin mwet tuhma lutlut Singul Luo, suc ma ahkweyucklac oan fin tepuh ah ke lwen se inge. Tukun nga oraclah kahrüh luhk nuh sin mwet wiyuck, nga eis monglac luhk ke met ah, ac lihsrlihsr sac wacngihnlac ac, weluhl Oliver Cowdery puh-tati in mihs lac pruhe ke insiacsr. Tukun mayak liki pruhe, aruhruhma inge ikacklac nuh sesr kwewa. (D&C 110, sramsram in ahkkuhtweyac.)

Lihsrlihsr sac itucklac liki nuhnak lasr, ac muhta luhn kahlwem lasr ikacklac.

Kuht liye Leum tu ke acn in sramsram ah, met liki kuht; ac ye niac pa oasr ma oreklac ke gold, tuhn kac ah oacna acmpuhr.

Ahtron muhtahl oacna fihrihr ke e; aunsifacl ac sifacl fasrfasr oacna snow; luhmahl sahromrom oacna yohk liki na kahlwem luhn faht; ac puhsracl pa oacna puhsren kahk luhn kof luhlahp, oacna puhsren Jehovah, fahk:

Nga pa met ac sahflah; Nga pa el suc mouh, nga pa el suc acnwucki; Nga pa mwet tuhtahf nuh yurin Pahpah.

Liye, ma koluk lom nuhnak muhnahs nuhsun; kom nwacsnwacs ye muhtuhk; ohinge, sruhwack sifom ac engan.

Lwelah isiactn mwet wiyom in engan, ac lwelah insiacn mwet nuhkwewa luhk in engan, suc oasr wi kuh la in muhsahelah lohm se inge in ma sihk.

Tuh liye, Nga eis lohm se inge, ac innek pa oasr inge; ac Nga fah ahkkahlwemyeyuc sifwacna nuh sin mwet luhk ke pahkotwen in lohm se inge.

Ahok, Nga fah sikyang nuhsin mwet kuhlwacnsap luhk, ac sramsram nuh selos ke puhsrek sifwacna, fin mwet luhk karuhnguhnwacng masap luhk, ac tiac ahkfohkfohkye lohm muhtahl se inge.

Ahok insiacn mwet tausin ac singucul tausin fah engan arulacna yohk ke ma sikyak ke mwe ahkinsewowo se ma okwoklac, ac olwelah muhtahl ma mwet kuhlwacnsap luhk olwelah in lohm muhtahl se inge.

Ac pwengpweng luhn lohm se inge fah pwengwelihk nuh ke acn sasuc; ac pa inge muhtwacwacack luhn mwe

ahkinsewowo suc fah okwoklac fin sifen mwet nuhkewewa luhk. Finne ohinge. Amen.

Tukun kauli aruhruhma inge kuhsrao sifwil pacna ikack-lac nuh sesr; ac Moses el sikme ye muhtahsr, ac use nuh sesr ki luhn fahsreni luhn tuhlihk Israel singucul ke lacfahl epang.

Tukun ma se inge, Elias el sikme, ac sang nuh selos we ke wosasuc lal Abraham, fahklah kacsr ac fihtac lasr, fihl nuhkewewa tohkohsr fah ahkinsewowoyeyuck.

Tukun aruhruhma se inge kauli, sie pac aruhruhma luhlahp ac wolacna sikyak nuh sesr; tuh Elijah mwet pahluh, suc utuckyak nuh inkuhsrao tiac puhla misac, tu ye muhtahlahl ac fahk:

Ohinge, pacl ac fah tuhkuh, suc sramsramkihnyuck sel Malachi, ke el ac fah suhpweyuck me met liki lwen luhlahp ac ahksahngweng luhn Leum.

El ac tuhkuh in furohklah insiacn pahpah nuhsin tuhlihk, ac tuhlihk nuh sin pahpah in muh facluh nohfohn tiac uniyucki ke selnga.

El fahk lah ki nuh ke we se inge ituckyang nuh inpacol-tahl. Ke srihpac se inge eltahl kuh in etuh lah lwen luhlahp ac ahksahngweng luhn Leum apkuhran, finne sruhnguhl sac.

Ma inge sikyak! Ma yohk srihpac sikyak inge liyeyuck fin facluh, tuhsruhk ac oasr ma oruh nuh ke sahflahiyacn moulu nuhkewewa. Ma uh muhtwacwacack in kais kuhtuh sikyak ke Alu uh.

Fin facluh oasr ma sikyak inse ac oasr ma sikyak insoh, ke innek ma nuhnkweyuck muh ma na ac sikyak. Mwet, u, ac facsin muhtwacwacack in pwacr ke sukyacn sucu. Ma inge sikyak ke pacl se na ma Elijah el tuhkuh nuh in Kirtland Tempuhl ah.

In lwen sac na, April 3, 1836, insiacn tuhlihk uh muhtwacwacack in forlah nuh sin pahpah tuhmwac-tahl. Tukun pacl sacn akwuck uh tiac ma na nuh ke kihtin pacl, tuhsruhk ma na kawihl se. Kuh in sil uh oasr yohrohsr. Wacngihn kuh ahluhkwelah kuhiyac. Kuh se ingacn sang kalmac ac sahflah kawihl nuh ke akwuck nuhkewewa ma orek ke suwohs nuh sin kewanu mwet moulu ac mwet misac.

MA NUHKWEWA OREK KE INKACNEK

Tukun ma sikyak ke Kirtland Tempuhl ah, ma upac ac ahkkohs sikyak pwacnwacng Mwet Luhlahlfongi elos mukwiyak. Yen nuhkwewa elos akwucki we Leum el ahkkahlwemye plwacn in muhsahi tempuhl. Ma se inge pwacye nuh ke kwewana Independence, Missouri Far West, Missouri. In puhlan pacl se inge ahkkohs puhtatyang nuh fin Mwet Luhlahlfongi ke ahngyahng luhlahp pwacnwacng elos kahing nuh Nauvoo, Illinois. Inse inge fwackyuck sac sifwil tuhkuh wi masap se in muhsahi sie lohmi sin Leum.

Leum el ahkkuhtweyacye lah srihpen muhsahi pa in fahkwack akwuck. "Ac pwacyena nga fahk nuh sum, lwelah lohmi se inge in muhsahiyucklac ke inne, tuh nga fihliyacye akwuck luhk nuhkwewa nuh sin mwet luhk; tuh nga fahkwack nuh ke Alu lal ma ma wihklac liki facluh, ac ma nuhkwewa ke wosasuc." (D&C 124:40-41.)

El ahkkahlwemye lah tempuhl uh ac ma nuh selos in oruh akwuck ke ahknwacsnwacs, pacptais nuh ke mwet misac, tuhkwenti muhtahl, in acsmakihn kihsac lahlahl sin wen nahtuhl Levi, ac fah acn in fwackyuck se ke acn muhtahl emet kac; nuh ke masap laltahl, sramsram, ac nuhnuhkuh nuh ke muhtwacwacack luhn fwackyuck ac pwelung luhn Zion, ac nuh ke wolacna, ahkfuhlwact, ac eisyacye mwe sang muhtahl luhn mwet nuhkwewa, . . . ke akwuck muhtahl sel suc ma mwet lal pacl nuhkwewa sapkihyuck in muhsahi nuh ke inne muhtahl lal (D&C 24:39).

Inmahsrlon akwuck ma kuht oruh ke Alu uh pa: pacptais, kuhfa luhn Leum, sang innen tuhlihk ac ahkinsewowoye mwet mas, ahkweyacye mwet nuh ke orekma ke Alu ac sang kuh nuh ke ohfuhs. In weacye, oasr pac kuhtuh akwuck fuhlwact orek in tempuhl. Ma inge pa ahknwacsnwacs, akmuhsra, ac mwe sang muhtahl, ac akwuck nuh ke sil suc sramsramkihyuck yohk ke macruht in tempuhl.

Fuhkah yohk srihpacyacye akwuck uh nuh sesr mempucr ke Alu uh?

Yac kom kuh in engan, yac kom kuh in moliyucklac, yac kom kuh in moul yurin God fin tiac ke akwuck? Top: Akwuck



Rum luhn Celestial, Tempuhl Salt Lake

arulacna yohk liki kahsrub ac enenweyuck. Akwuck uh ahlukwelah yohk srihpac. Mwe sulaclah nuh sesr kais sie.

Mwet pahluh Joseph Smith el kwacna siyuck kihsensiyuck se inge sel sifwacna:

“Yac kuht kuh in tiac moullac fin kuht tiac eis akwuck nuhkwewa, ac kuhtuh pac sahyac?” Nga ac topuk, Moh, tiac inkacnek nuh ke molwelah nuhkwewa. Jisus el fahk, “Oasr nien muhta pucspucs in lohm sin Pahpah Tuhmuhk, ac nga ac som ac ahko-o acn sum.” *Lohm*, ke orekmakihnyuck inge enenuh in lwelah muh tohkohsrahi; ac mwet nuhkwewa ma ac som muhta ke acn fuhlwact inge enenuh na in ahkos masap ke tohkohsrahi luhn God, ac masap nuhkwewa pac. (*History of The Church of Jesus Christ of Latter-day Saints*, ed. B. H. Roberts, 7 vols. [Salt Lake City: The Church of Jesus Christ of Latter-day Saints, 1949], 6:184.)

Prestuhn Joseph Fielding Smith el fahk:

Nga tiac elyahkihn lah ohfuhs fuhkah kom sruok ke Alu se inge, kom ac sahp mwet sap se, patriarch se, mwet tol fuhlwact se, kuh oacna sie ma sahyac, tuhsruhk kom tiac kuh in eis akwuck nuhkwewa ke pristut ne kena kom som nuh in tempuhl luhn Leum ac eis akwuck nuhkwewa ma mwet pahluh el sramsram kac. Wacngihn mwet kuh in eis akwuck nuhkwewa ke pristut sahyacn tempuhl luhn Leum. (Joseph Fielding Smith, *Elijah the Prophet and His Mission* [Salt Lake City: Deseret Book Co., 1957], page 46.)

Kuht sramsram tari ke akwuck yohk ma orek in tempuhl uh. Eis mwe sang muhtahl pa sie. In eis mwe sang pa in ahkkweye, in sang nuh sin sie sahyac ma ma ac paht ac yohk srihpac. Mwe sang muhtahl ma kuht eis ke akwuck in tempuhl uh ahkkweyeyuck ke inkacnek tolu: (a) El suc eis akwuck uh ituckyang kuh sin God. “Elos suc eis uh elos eis kuh lucng me.” (b) Elos suc eis uh elos oacyacpac eis mwe ahkkahlwemye ac etwacack. “Elos eis lutlut ke srihpac luhn Leum ac plwacn lal.” (c) Ke pacl se sil uh orek fin loang uh mwet sacn eis mwe ahkinsewowo luhn wolacna, kuh ac ahkfuhlwact ac pa ipin mwe sang nuh sel an. (Bruce R. McConkie, *Mormon Doctrine*, 2nd ed. [Salt Lake City: Bookcraft, 1966], page 227.)

Oasr kalmac kuh ahkuhtweyac luo sihmlac ke mwe sang muhtahl, ma se met sel Prestuhn Brigham Young:

Lwelah nuhsik in usot nuh sum sie kalmac fototo. Kom eis mwe sang muhtahl pa in eis akwuck nuhkewewa in Lohm sin Leum, suc enenweyuck nuh sum, tukun kom ac som liki moul se inge, in kuh in oruh kom in sifwil fohlohk nuh yurin Pahpah, ahluhkewelah lupufacn suc tu topang, in kuh in sang nuh seltahl kahs yohk, akucl, ac mwe ahkacs-makihnye nuh ke Pristut muhtahl, ac in eis moul ma pahtpaht yurin God liki facluh ac misac. (*Discourses of Brigham Young*, comp. John A. Widtsoe [Salt Lake City: Deseret Book Co., 1971], page 416.)

Elder James E. Talmage el ahkuhtweyac mwe sang muhtahl ohinge:

Mwe sang Muhtahl luhn Tempuhl, ke orek in tempuhl in pacl inge, oracni mwe kahsruh yohk srihpac ac fahfahsruh luhn we somsomlah ac yohk srihpac luhn we mihsenge pa yohk srihpac emet nuh ke moul luhn mwet fin facluh. Mwe ahkkahlwemye se inge pa kalweni luhn ma yohk ke we in oraclah sac, moul luhn pahpah ac ninac se kiyacsr emet in Imac Eden, seahkos laltahl, ac lihsyucklac laltahl liki acn engan eltahl muhta we, moul laltahl ke facl suhpwacr eltahl muhta ac orekma kac, plwacn in molwelah suc ma koluk luhlalhp kuh in loeyucklac kac, we luhn puhtatlac liki ma pwacye, fohlohkyak luhn Wosasuc wi kuh ac suwohs nuhkewewa met, fas ac tiac kuh in wacngihnlac luhn ohiyac muhtahl ac insacnweacng luhn kais sie nuh ke ma pwacye ke moul kuht oasr kac, ac sie kwacfe nuh ke ma enenuh nuh ke Wosasuc. (James E. Talmage, *The House of the Lord* [Salt Lake City: Bookcraft, 1962], pages 99–100; hereafter cited as *The House of the Lord*.)

Mwe fahk se sel Elder Talmage inge ahkkahlwemye lah ke pacl se kom eis mwe sang muhtahl lom uh kom ac eis pac kahsruh in fal nuh ke srihpac ac plwacn luhn Leum in oraclah facluh ac fihliyac mwet fac. Ac fah lutiyuck kom ke ma enenuh nuh sum in eis moul ma pahtpaht yurin God.

Mwe ahkinsewowo luhn mwe sang muhtahl uh arulacna enenweyuck nuh ke moul ma pahtpaht yurin God. Mwet



Rum Iuhm Celestial, Tempuhl San Diego California

Luhlalfongi ke lwen sahflah nuhkwea enenuh in suk in fal nuh ke mwe ahkinsewowo se inge ac in kuh in eis.

Akwuck luhn ahknwacsnwacs ac ahkkweye pacl nuhkwe-wa orek in tempuhl in mwe muhtwacwacack luhn akwuck uh. Ac tuh-fah fal nuh ke srihpac lasr in fahk ma tok inge muh-kwena: Ma enenuh in wi eisyacn mwe sang muhtahl pa ahk-nwacsnwacs ac ahkkweye—yohkna in mwe akucl, tuhsruhk in olwelah na pwacye, mwe ahkinsewowo nuh mihsenge ac ahkinsewowo ke pacl fahsruh uh.

Nuhke pacna akwuck inge, in tempuhl kom ac fah nuknu-kyang ke karmacn ac mwe ahkinsewowo wolacna uliyuck nuh kac. Arulacna yohk srihpac kom in lohng wo ke akwuck inge ac orek ac kom in srihke in esam olwelah ke mwe ahkinsewo-wo ac ohiyac suc ac fah ahkpwacyeyuck kac.

Akwuck in sil uh pa akwuck se suc ma oracni sucu uh in tuhkweni ma pahtpaht. Macruht in tempuhl akwuck in sil se. Ke siyacyacn se sil in tempuhl, tohkoh macruhtlac sahyac, tuhlihk ma isuslac nuh seltahl met liki eltahl sil in tempuhl, ac ke ma inge eltahl tiac isuslac ke olwelah, ac eltahl enenuh in sil ke akwuck muhtahl.

Nuhnak muhnahs etuh na pwacye lah moul lom fas. Ohiyac se inge tuhkuh muhkweni ke eisyacn mwe ahkinsewowo lom ke tempuhl, “akwuck lom, tuh kuh luhn God ahkahlwemyeyuck ke akwuck inge.” (D&C 84:20.)

OLWELAH MUHTAHL

Olwelah ke fwackyuck ingena pa ke sacksin 132 ke Doctrine and Covenants fahkwack kac.

Ac liye nga fahkwack nuh suwos sie olwelah; ac sahflah ac kom fin tiac muhta ke olwelah se inge, na kom ac misac; tuh wacngihn sie mwet fin sruhnga kuh lain olwelah se inge fah lwelah in utyak nuhke wolacna lal.

Tuh mwet nuhkwea suc suk fah eis ahkinsewowo sihk, fah muhta ke masap suc oreklac nuh ke mwe ahkinsewowo sacn, ac ohiyac kac oacna ke oreklac ke muhtwacwacack luhn facluh. (D&C 132: 4–5.)

Prestuhn Joseph Fielding Smith el ahkkuhtweyac olwelah sasuc se sahflah ke kabs inge:

Meac se wihinna olweacng sasuc ac sahflah uh? Nga pah-komuhta in fahk lah oasr na mempucr ke Alu uh tahfonglac ac tiac kahlwem ke kalmeyacn olweang sasuc se inge. *Olweacng sasuc ac sahflah se inge pa sikyak ke olwelah ac orekma nuhkewewa ke wosasuc uh.* (Joseph Fielding Smith, *Doctrines of Salvation*, 3 vols. [Salt Lake City: Bookcraft, 1954–56], 1:156; hereafter cited as *Doctrines of Salvation*.)

Olwelah se inge oracni akwuck nuhkewewa ke wosasuc—ma yohk kac suc orek in tempuhl. In kalweni fahk lal Prestuhn Smith:

Ingena kahlwem lah meac olwelah sasuc ac sahflah se inge. *Pa ma nuhkwewewa—ma nuhkewewa ke wosasuc.* Na macruht uh orek ke suwohs, pacptais, ahkweyelah nuh ke pristut, ma nuhkewewa sahyac—*kantrack nuhkewewa, orekma nuhkewewa, mukwikwi nuhkewewa ma kuhpahsr nuh ke wosasuc luhn Jisus Kraist, suc siyuck ke olwelah luhn Nguhn Muhtahl in oacna masap lal suc ituckyang, in pa sie ip ke olwelah sasuc ac sahflah se inge.* (*Doctrines of Salvation*, 1:158.)

Ke fuhs ma fwackyuck tari in (Doctrine and Covenants 132:4) Leum el sramsram ke ma kahlwem tiac kuh in tahfonglac lah wacngihn sie suc kuh in sruhnga kuh lain olwelah se inge a lwelah in ilyak nuh ke wolacna luhk.”

Kowos suc som nuh in tempuhl suc oasr pacl wo la in eis olwelah nuh se sifacna ke orekma fal nuh ke moul ma pahptahl yurin God laltahl ac mwet sahyac. Elder James E. Talmage el sihmih:

Akwuck luhn mwe sang muhtahl akihlenyuck ke orekma luhn kais sie mwet, oacna ke olwelah nuh ke karihngihnyacn nwacsnwacs, nuh ke luhngse muhtahl, kuhlwacng, muhtweng, ac muhtahl; in oaru nuh ke orekma kunac ac kuhfa nuh ke fahkwelihk ma pwacye ac ahkweye mwet; in sruokya na srihpac luhn ma pwacye; ac in suk inkacnek in kahsrub nuhkewewa nuh ke ahkoeyacn facluh nuh ke eisyacn Tohkohsrahi lal,—Leum Jisus Kraist. Nuh ke eisyacn sie olwelah ac finsrak nuh ke kais sie orekma ma mwe ahkinsewowo olwelah nuh kac, sikalweni in ahkos ohiyac nuhkac an. (*The House of the Lord*, page 100.)

Kuht olwelah nuh sin Leum in sang pacl lasr, talan lasr nuhke tohkohsrahi Lal.

Kuht mwet ke olwelah. Kuht olwelah in sang ma lasr ke pacl ac mani ac talan—lasr nohfohn ac ma lasr nuhkwewa—nuh ke tohkohsrahi luhn God fin facluh. Ke kaks na fihsracsr, kuht olwelah in oruh wo. Kuht mwet ke olwelah, ac tempuhl pa yohk nuh ke olwelah lasr uh. Pa inge ma yohk se nuh ke olwelah uh.

Som nuh in tempuhl. Kom enenuh in som nuh in tempuhl, in orekma ke mwet ma misac tari, kom in muh sifwilpac oruh olwelah ma kom oruh tari. Kom ac enenuh in esamyac in nuhnak lom ke mwe ahkinsewowo luhlahp luhn nguhn ma oasr ke lohm sin Leum.

Oaru nuh ke olwelah ac akwuck ke wosasuc. Oruh kom in eis akwuck muhtahl inge ke kom ac kahkah srihsrihk kihluck ke moul se inge. Ahkfuhlwactye olwelah nuh kac. Oruh, na kom ac fah engan.

Na moul lom ac fah fwel—ke ma nuhkwewa ac fah tahklac fal nuh ke acn la, nuh ke u la ac nuh ke lain la. Sucu lom ac fah kuhpahsreni ac tiac kuh in muhsahlwelihk.

Mwe ahkinsewowo ma kom oruh in tempuhl muhtahl uh ke olwelah ac akwuck kom oruh uh. Pwacye na lah Leum el engan ke pacl kuht moulkihn sifac se inge: sie mwet liyacacng olwelah.

TIAC WACNGIHN LAINYAC

Tempuhl pa acn se ma yohk emet kuh luhn nguhn oasr kac ke Alu uh. Kuht enenuh in etuh lah ma upac uh ac srihke in ahkkolukye Alu uh ac kais sie sesr ke kuht ac suk in wi oruh orekma muhtahl se luhn Leum inge. Ahkkoluk inge kuh in eklac liki ahkoks upac luhn pacl met ah nuh ke orekma ma wacngihn pwacr kac. Pacl se tok inge pa yohk emet sensen ac muhnahs in lain nuh ke orekma in tempuhl.

Orekma in tempuhl use arulacna yohk kuh in lain mweyen pa inge acn ma sang kuhiyacn nguhn muhtahl nuh sin Mwet Luhlahlfongi Lal ke Lwen-sahflah, ac nuh sin Alu uh nohfohn.

Ke kihsacyuck Logan Tempuhl, Prestuhn George Q. Cannon el oruh mwe fahk se inge:

Pwelucng nuhkwea ma ac akwucki nuh ke sie Tempuhl, ac Tempuhl nuhkwea ma ac ahksahfyeyucklac fal nuh ke akwuck ma Leum el fahkwack nuh ke Pristut muhtahl lal uh, ahksrihkyelah kuh lal Setuhn fin facluh, ac ahkyohkyaclah kuh luhn God ac orekma lal, ac mokle kuh-srao ke kuh luhlahp ke srihpacsr ac pahngon nguhn facsr ke mwe ahkinsewowo luhn pahpah ma pahtpaht, ac elos suc muhta yohrohlos. (In "The Logan Temple," *Millennial Star*, 12 Nov. 1877, page 743.)

Ke pacl se mempucr ke Alu uh elyah kuh puhlakihn toasr ke nuhnak lalos, pacl na wo se nuh selos in som nuh tempuhl. Acn na wo se in eslah mwe elyah lasr uh. In tempuhl kuht kuh in eis ma wo luhn nguhn. In tempuhl, ke pacl oasr ma orek we uh "facluh fwah sruhngwackuht lac."

Ip luhlahp se ke yohk srihpac luhn tuhkweni uh pa pwacye lah kuht oruh kuhtuh ma nuh sin mwet ma tiac kuh in sifwacna oruh nuh seltahl. Ke kuht oruh akwuck nuh ke mwe sang muhtahl luhn mwet suc misac, kuht ac puhla srihk wetok lasr in pruhe nuh sin Leum in kahsre kuht. Ke ac oasr sulaclah luhn siyacnyacn fuhsr uh in oruh, fin eltahl apkuhran nuh ke sie tempuhl arulacna yohk srihpac eltahl in som nuh ke tuhkweni muhtahl in tempuhl. Oasr na ma se mwe ahknwacsnwacs ac ahkkahlwemye usren tempuhl uh.

Kuhtuh pacl uh nuhnak lasr uh arulacna toasr ke mwe elyah, ac arulacna puhkantwen ma enenuh in karihngihnyuck in pacl sacn pacna, ke ma ma kuht tiac kuh in nuhnkuh kahlwem a kuht liye kahlwem. In tempuhl ma ma oacna in eis nuhnak lasr uh wacngihn, ac lohsr ohkohk uh kahlmwelihk, ac kuht kuh in "liye" ma kuht tiac kuh in liye met ac konwacack inkacnek lasr nuh ke mwe elyah ma kuht tiac etuh met.

Leum el ac fah ahkinsewowoye kuht ke kuht ac oruh akwuck muhtahl in tempuhl uh. Mwe ahkinsewowo we uh ac fah tiac suhfallac nuh ke kuhlwaconsap lasr uh. Kuht ac fah ahkinsewowoyeyuck ke mukwikwi nuhkwea lasr. Leum el ac fah kuh in engan ke ma kuht oruh uh kwewana ke nguhn ac ikwac.

TUHKUH NUHKE LIHSRLIHSR

Kuht enenuh in kahlwem kac lah efuh kuht muhsahi tempuhl, ac efuh akwuck uh enenuh nuh sesr. Na tohkoh ke kuht etuh lah efuh kuht muhsahi tempuhl ma kaksreyuck nuh sesr ac fah tiac tui ac kahlwem ac fah tuhkuh ke ma yohk srihpac luhn nguhn. Kuht ac fah luti kais kuhtuh nuh ke kuht eis nohfohn kahlwem ac etwacack. Kahlwem ac etwacack inge ac fah mwe loango nuh sesr—kuht kais sie. Ac fah mwe loango pac luhn Alu uh.

Wacngihn orekma yohk in mwe loangwelah Alu uh oacna orekma in tempuhl, ac orekma ke sucu, suk mwe kaksruh nuh kac. Wacngihn orekma yohk nguhn in nwacsnwacs kac oacna orekma in tempuhl. Wacngihn orekma kuht oruh use kuh yohk nuh sesr. Wacngihn orekma enenuh srihkarak fuhwact luhn suwohswohs oacna orekma in tempuhl.

Orekma lasr in tempuhl uh kosrekuhtlac ke sie mwe loang ac mwe loangwekuhtlac, kwewana nuh sesr kais sie kuh nuh sesr mwet uh.

Akwuck ke tempuhl uh oruh kuht mwet olwelah nuh Sel—ke tempuhl oruh kuht eklac mwet ke olwelah.

Fin kuht ac eis fwackyuck ke akwuck in tempuhl, ac ilyak nuh ke olwelah ac tiac fihliyac kuhtuh ma kuh taltal koluk, Leum el ac karihngihn kuht. Kuht ac fah eis kolyuck fal nuh ke lainyen ma upac ke mouh.

Orekma ma orek ke tempuhl uh pwacye na. Ahkkahlwemyeyuck lihkihn lihsrlihsr ac fwackyuck tiac tui.

Fwackyuck uh ac kuh in tuhkuh nuh sin kais sie mempucr ke Alu uh fahkwack ke orekma in tempuhl.

Pwacnwacng som nuh in tempuhl—som ac eis mwe ahkinsewowo lom. Orekma muhtahl se pa inge.



ALU LUHN
JISUS KRAIST
LUHN MWET
LUHLAHLFONGI LAL
KE LWEN-SAHFLAH

KOSRAEAN

